

# ПАНЖАДА УРОКСЬ МОКШЕНЬ КЯЛЬСА 11-ЦЕ КЛАССТИ

## ВАЛЗЮЛМОТНЕНЬ ЭСА ВАЛХНЕНЬ ЁТКСА СОТКСНЕ

Аноклазе: Ковылкинский райононь Сире Драка школань мокшень кялень и  
литературань тонафтысь, Костькина В.Я.  
(1 слайдсь)

### Темась: ВАЛЗЮЛМОТНЕНЬ ЭСА ВАЛХНЕНЬ ЁТКСА СОТКСНЕ

(Содасть шарьхкодемаь определенияц коряс. «Кафта или сяда лама знаменательнай валонь сюлма, конатнень ётка определениянь, объектонь, обстоятельствань подчинительнай отношеният мярьгихть... (валзюлма) (2 слайдсь)

#### ЦЕЛЬСЬ:

- максомс шарьхкодема валзюлмотнень эса валхнень ётка смузень соткснень колга;
- маштомс явфнема определительнай, объектонь, обстоятельствань смузень ширде соткснень (отношениятнень);
- лятфтамс и кемокстамс валзюлмонь соткснень, простой валрисьмоть, фонетикаь, фразеологизматнень, тиемс соткс литературать мархта;
- воспитандамс кельгома перьфпяльти и ванфтомс сонь мазышинц (3 слайдсь)

**Урокть типоц:** традиционной

**Оборудованиясь:** компьютер, носительхть(флешка), учебниксь, тетратть, ручкат, раздаточнай материал (карточкат).

#### **1. Ётафть лятфтамац**

Валзюлмоса соткснень лятфтамасна:

#### **Согласования**

Управления

Примыкания

Заданиясь: мумс валзюлмонь рядть сотксонц (4 слайдсь)

1. Кельме ведь, пичеди седи, кенерьф инезихть, кши кочам, тонь тетрадзе, сёрмадомс мазыста.

2. Ваномс вальмава,уихть менельть эзга,служамс Родинати, покодемс школаса, сувамс книга мархта.

3. Ня школатне, сембе тонафнихне, кафта книгат, лама сера, мзярошка книга, котошка тонна.

### **Петемс эльбятьксень (кона валзюлмось аф ладяй рядти)**

1. Лямбе ведь,кундамс кал,содаф писатель,ялгань книга,пачкодемс илять.
2. Васедемс учительть мархта,ускомс тише,кельгомс шачема крайть,тумс шобдава.
3. Тя тевсь,сембе мазышись,керф кши,колмогемонь машина,ня шуфттне.  
(5 слайдсь)

## **2. Од темась**

### **Валзюлмотнень эса валхненьёеткса смузень сотксне (6 слайдсь)**

**Определительнайхть**, кьда зависимай валсь главнайти моли определениякс:  
*келу ведь, шуфтонь куд, монь ялгазе, тя ломанць.*

**Объектонь**, кьда зависимай валсь ащи дополнениякс: *морафтан книга, азондан школьниконь колга, якань тейнза.*

**Обстоятельствань**, кьда зависимай валсь няфти действиянь кодамовок обстоятельство: *молян театрав, сермадан тячи, ардомс вишкста, молян тонафнема, пеедемс кенярдемаць эзда, сермадомс кафксть.*

### **Заданиясь: няфтесть смузень сотксть (отношенияь) и валонь сотксть.**

Акша лов, модемс вишкста, корхтамс ялга мархта, амолдамс ведь, содаф писатель, илядомс ялгада, вете кяскафт, сермадомс сочинения, тумс ардозь, пиди ши, ня валхне, такор ки, тя книгать, уемс ляйгя, шобдавань заря, самс илять. (7 слайдсь)

(Самостоятельной тевсь учебникть коряс , 332 упражнениась лувомс, сёрмадомс 1-це абзаць, явомс валрисьмотнень валзюлмова и няфтемс отношениясь, устна азомс сотксть)

Кевонзаф валзюлмотне (8 слайдсь)

Кроссворд (9 слайдсь). Валонь тевсь (тиемс кроссвордть)

**Ребус** (10 слайдсь) (Ответсь «Кона сурцень тят суска, фкакс маряй»)

(Явовихть карточкат «Керф келу» стихотворениять мархта )

## **Керф келу**

Од ункскя лиссь модать пачк,

Лиссь и вярн венемсь.

Кафта рашкса келу шачсь...

Кенярдсь сенем менельсь:

Улихть неженза!

Менельсь кулхцондсь,-

Пара тевсь - тиёмс ломанть ялгакс.

Эрь                      а                      ломанць                      узерь                      сявсь

Керозе шуфтть алга.

Авардсь менельсь – келунц керсть,

Сюнерьгодсь ни марнек.

Тяса –тоса – зерь! Да зерь! –

Атямсь кяженц арнесь.

А. Тяпаев (11 слайдсь)

**Васенце валрисьмоста кочкамс китькстаф валхнень, тиёмс фонетикань разбор, азомс валрисьмоть видонц, кочкамс валзюлмотнень, азомс отношениясь)**

(Беседась. Кодама прябала кепси стихсонза А.Тяпаев? Кодама темась тя стихотворениясь? Эряви ли тейнек ванфтомс перьфпяльсь? Мезенди лемтьф тя кизось?)

## **Рефлексиясь**

Тиёмс кластер «Валзюлмось» темать коряс (12 слайдсь)

## **Кудонь тевсь**

Сермадомс эссе темать коряс

«Эряви ли ванфтомс перьфпяльсь?»

*Сермадомста ноляда тевс эрь кодама смузень сотксонь мархта валзюлмот (13 слайдсь)*

## **Урокть итогоч**

Уледа шумбрат!

Васедемозонк!

Урокса покодеманкса питнень максомась (14 слайдсь)